



TOSHKENT DAVLAT YURIDIK UNIVERSITETI REKTORINING B U Y R U G ' I

26.03.2024

48-um-son

Toshkent davlat yuridik universitetida axborot siyosatini takomillashtirish, ochiqlikni ta'minlash, universitetning ijobiy imijini shakllantirish va OAV bilan aloqalarni mustahkamlash bo'yicha qo'shimcha chora-tadbirlar to'g'risida

O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi Farmonida belgilangan vazifalar ijrosini ta'minlash, Toshkent davlat yuridik universitetining ijobiy imijini shakllantirish, universitetda axborot makoni monitoringi va tahlilini yuritish, universitet faoliyati bo'yicha jamoatchilikka qulay hamda tezkor ma'lumotlarni tizimli va o'z vaqtida yetkazib borish, uning nufuzini yanada oshirishni ta'minlash, universitetning rasmiy veb-sayti va ijtimoiy tarmoqlardagi rasmiy sahifalari faoliyatini yanada takomillashtirish maqsadida

BUYURAMAN:

1. Toshkent davlat yuridik universitetida axborot siyosatini takomillashtirish, ochiqlikni ta'minlash hamda universitetning ijobiy imijini shakllantirish maqsadida universitet faoliyatini yoritishning yangi tizimi joriy qilinsin.

2. Quyidagilar:

Toshkent davlat yuridik universitetida axborot siyosatini takomillashtirish, ochiqlikni ta'minlash hamda universitetning ijobiy imijini shakllantirish to'g'risida nizom 1-ilovaga muvofiq;

2024–2026-yillarda Toshkent davlat yuridik universiteti faoliyatini yoritish, uning ijobiy imijini shakllantirish hamda keng jamoatchilik va OAV bilan aloqalarni mustahkamlash, bu yo'nalishdagi ishlarni strategik rivojlantirish dasturi 2-ilovaga muvofiq;

2024–2026-yillarda Toshkent davlat yuridik universiteti faoliyatini yoritish, uning ijobiy imijini shakllantirish hamda keng jamoatchilik va OAV bilan

aloqalarni mustahkamlash, bu yo'nalishdagi ishlarni strategik rivojlantirish dasturini amalga oshirish yuzasidan yo'l xaritasi 3-ilovaga muvofiq tasdiqlansin.

3. Tarkibiy bo'linmalar rahbarlari:

universitet sayti va ijtimoiy tarmoqlardagi rasmiy sahifalarida e'lon qilinishi lozim bo'lgan ma'lumotlarni o'z vaqtida va sifatli berilishini ta'minlasin;

Jamoatchilik va OAV bilan aloqalar bo'limi bilan hamkorlikda ishlash uchun bir nafar xodimni biriktirsin;

professor-o'qituvchi va xodimlarning ommaviy axborot vositalaridagi chiqishlari bo'yicha ma'lumotlarni har oy yakunida Jamoatchilik va OAV bilan aloqalar bo'limi (J.Haydarov)ga taqdim etsin;

professor-o'qituvchi va xodimlarning turli tashkilotlardagi ekspert sifatidagi ishtiroki hamda xorijiy ilmiy va ta'lim muassasalaridagi ilmiy stajirovkalari haqidagi ma'lumotlarni doimiy ravishda Jamoatchilik va OAV bilan aloqalar bo'limi (J.Haydarov)ga taqdim etib borsin;

4. Jamoatchilik va OAV bilan aloqalar bo'limi (J.Haydarov):

ma'lumotlar o'z vaqtida berilishi va e'lon qilinishini ta'minlasin;

rasmiy veb-sayt va ijtimoiy tarmoqlardagi rasmiy sahifalarga joylashtirilgan ma'lumotlarning holatini tahlil qilib borsin hamda tahlil natijalari yuzasidan har chorak yakuni bo'yicha universitet rektoriga axborot taqdim etib borilishini ta'minlasin;

ma'lumotlarni o'z vaqtida taqdim etmagan tarkibiy bo'linmalar haqida universitet rahbariyatini ogohlantirib borish choralari ko'rsin.

5. Kafedra mudirlari har o'quv yili avvalida xalqaro va milliy anjumanlar bo'yicha yillik rejalarni shakllantirsin hamda Jamoatchilik va OAV bilan aloqalar bo'limi (J.Haydarov)ga taqdim etsin.

6. Kadrlar bo'limi (S.Mamanazarov) rasmiy veb-saytga joylash uchun universitetga ishga qabul qilingan har bir xodim va professor-o'qituvchilar haqidagi ma'lumotlarni Jamoatchilik va OAV bilan aloqalar bo'limi (J.Haydarov)ga taqdim etish choralari ko'rsin.

7. Jamoatchilik va OAV bilan aloqalar bo'limi (J.Haydarov) har bir xodim va professor-o'qituvchilarning fotosuratlar bazasini shakllantirib borsin.

8. Universitet rektorining 2020-yil 7-avgustdagi 08-138-sonli buyrug'i o'z kuchini yo'qotgan deb hisoblansin.

9. Devonxona (N.Ergashev) mazkur buyruqni barcha tarkibiy bo'linma rahbarlariga yetkazsin.

10. Mazkur buyruq ijrosini nazorat qilishni o'z zimmamda qoldiraman.

Rektor v.v.b.



I.RUSTAMBEKOV

Toshkent shahar

Kiritildi:

Bo‘lim boshlig‘i (matbuot kotibi)

J.HAYDAROV



Kelishildi:

Yoshlar masalalari va ma‘naviy-
ma‘rifiy ishlar bo‘yicha birinchi
prorektor

A.XASHIMHONOV



Ilmiy ishlar va innovatsiyalar
bo‘yicha prorektor

B.XODJAYEV



Moliya-iqtisod ishlar bo‘yicha
prorektor

A.IMINOV



Bo‘lim boshlig‘i

S.MAMANAZAROV



Katta yuriskonsult

A.TURSUNOV



Devonxona mudiri

N.ERGASHEV



*Toshkent davlat yuridik
universiteti rektorining
2024-yil _-martdagi
_-sonli buyrug‘iga
2-ilova*

**2024–2026-yillarda Toshkent davlat yuridik universiteti faoliyatini
yoritish, uning ijobiy imijini shakllantirish hamda keng jamoatchilik va OAV
bilan aloqalarni mustahkamlash, bu yo‘nalishdagi ishlarni strategik
rivojlantirish**

DASTURI

I. Kirish.

Toshkent davlat yuridik universitetini (keyingi o‘rinlarda — TDYU) “yurisprudensiya” mutaxassisligi bo‘yicha yuridik kadrlarni tayyorlash, qayta tayyorlash bo‘yicha bazaviy oliy ta’lim va ilmiy-metodik muassasasi hisoblanadi. Ayni paytda universitetda bakalavriatda 5 ta yo‘nalish, magistraturada 16 ta mutaxassislik bo‘yicha huquqshunos-kadrlar tayyorlanmoqda.

TDYUda yuridik ta’lim va fanni tubdan takomillashtirish, muassasaning xalqaro ta’lim maydonidagi raqobatbardoshligini ta’minlash, yuridik kadrlar tayyorlash sifatini oshirish, xalqaro hamkorlik aloqalarini yo‘lga qo‘yish, xalqaro reytinglarga kirish hamda xalqaro ta’lim tashkilotlarida akkreditatsiyadan o‘tkazish, o‘quv va ta’lim jarayonlariga nufuzli xorijiy ekspertlar, huquqshunos-olimlar va professor-o‘qituvchilarni jalb etish borasida qator ishlar amalga oshirilmoqda.

Mazkur yo‘nalishdagi ishlarni samarali tashkil etish va tizimli chora-tadbirlarni amalga oshirish maqsadida “2022–2026-yillarda Toshkent davlat yuridik universitetini strategik rivojlantirish dasturi” hamda “2022–2026-yillarda Toshkent davlat yuridik universitetini strategik rivojlantirish dasturini amalga oshirish yuzasidan yo‘l xaritasi” tasdiqlangan bo‘lib, ushbu dastur ijrosi yuzasidan tizimli ishlar amalga oshirilmoqda.

Shuningdek, TDYU ish faoliyatini olib borishda akademik erkinlik va akademik halollikni ta’minlash, ta’lim va tadqiqot ishlarini teng sharoitlar,

inklyuzivlik va xilma-xillik asosida tashkil etish, talaba va xodimlarning ijtimoiy mas'uliyatini oshirish hamda universitet bitiruvchilari bilan faol hamkorlik o'rnatish kabi qadriyatlarga tayanib kelmoqda.

Shu jihatdan 2024–2026-yillarda Toshkent davlat yuridik universiteti faoliyatini yoritish, uning ijobiy imijini shakllantirish hamda keng jamoatchilik va OAV bilan aloqalarni mustahkamlash, bu yo'nalishdagi ishlarni strategik rivojlantirish dasturi (keyingi o'rinlarda — Dastur) O'zbekiston Respublikasi Prezidentining 2020-yil 29-apreldagi "O'zbekiston Respublikasida yuridik ta'lim va fanni tubdan takomillashtirish bo'yicha qo'shimcha chora-tadbirlar to'g'risida"gi PF-5987-son Farmoni, O'zbekiston Respublikasi Prezidentining 2019-yil 8-oktabrdagi PF-5847-son Farmoni bilan tasdiqlangan O'zbekiston Respublikasi oliy ta'lim tizimini 2030-yilgacha rivojlantirish konsepsiyasi, O'zbekiston Respublikasi Prezidentining 2020-yil 29-oktabrdagi PF-6097-son Farmoni bilan tasdiqlangan Ilm-fanni 2030-yilgacha rivojlantirish konsepsiyasi, O'zbekiston Respublikasi Prezidentining 2023-yil 11-sentabrdagi PF-158-son Farmoni bilan tasdiqlangan "O'zbekiston — 2030" strategiyasida belgilangan vazifalar asosida ishlab chiqilgan bo'lib, Dastur yuqoridagi hujjatlarda berilgan vazifalarni amalga oshirish, TDYU faoliyati bilan keng jamoatchilik va OAV vakillarini tanishtirib borish, universitetning ijobiy imijini shakllantirishga xizmat qiluvchi hujjat hisoblanadi.

Dastur orqali mahalliy rivojlanish va xalqaro standartlar asosida TDYUning akademik, tashkiliy-boshqaruv va moliyaviy mustaqilligini ta'minlash borasida qilinayotgan ishlar, "Universitet 4.0" (ta'lim – ilm-fan – tijoratlashtirish – ijtimoiy loyihalar tashabbuskori) konsepsiyasiga bosqichma-bosqich o'tish jarayonlari, TDYU yuridik amaliyot va ilm-fan markaziga aylantirish, har bir talaba va xodimning akademik, ilmiy va kasbiy muvaffaqiyatini rag'batlantirish orqali yuridik ta'lim va ilm-fanning shaffofligi va jozibadorligini oshirish yo'nalishda amalga oshirilayotgan chora-tadbirlarni keng jamoatchilik va OAV vakillariga yetkazish, shuningdek, milliy huquqiy qadriyatlarni dunyo ilmiy hamjamiyatiga tanitish maqsad qilingan.

II. Universitet faoliyatini yoritishning asosiy yo‘nalishlari

2.1. Universitetdagi transformatsiya jarayonlari bilan keng jamoatchilikni tanishtirish

Universitet boshqaruv tizimini takomillashtirish va optimallashtirish TDYUning asosiy strategik maqsadlaridan biridir. Bugungi kunda universitetda butun ta’lim boshqaruvini to’liq raqamlashtirish, o’quv jarayonini va talabalarga xizmat ko’rsatishni muvofiqlashtirishning mobil tizimini “yagona darcha” tamoyili asosida tashkil etish borasida qator chora-tadbirlar amalga oshirildi. Universitetda Bandlik (karyera) bo’limi, O’quv jarayonini muvofiqlashtirish bo’imi, Masofaviy ta’lim bo’limi, Elektron universitet markazi, Shartnomaviy ta’lim xizmatlari bo’limi, Talabalarga xizmat ko’rsatish markazini birlashtirgan holda mamlakat oliy ta’lim muassasalari ichida birinchilardan bo’lib O’quv-uslubiy boshqarma (Registrator ofis) tashkil etildi. Ayni paytda Registrator ofis tomonidan xodim va talabalar (shu jumladan, bitiruvchilar)ga 70 ga yaqin xizmatlar ko’rsatilmoqda.

Shuningdek, ta’lim jarayonini Buyuk Britaniya ta’lim tizimi asosida transformatsiya qilish maqsadida Transformatsiya bo’limi ham tashkil etildi.

Registrator ofis va Transformatsiya bo’limi faoliyati bilan keng jamoatchilik, shu jumladan, xorijiy fuqarolarni ham tanishtirish, universitetda ta’limni raqamlashtirish va transformatsiya borasida qilinayotgan ishlar haqida ma’lumotlar berib borish Dasturning asosiy yo‘nalishlaridan hisoblanadi.

2.2. O’quv va ta’lim sifatini oshirish borasida qilinayotgan chora-tadbirlarni zamonaviy metodlar asosida yoritish

Universitetda ta’lim sifatini oshirish, o’quv jarayonlarini zamonaviy texnologiyalar va metodlar asosida tashkil etish, yuridik ta’limga Yevropa kredit tizimi (ECTS — European Credit Transfer and Accumilation System)ni to’liq joriy etish, talabalarga ta’lim berish uchun xorijiy tillardan xabardor, malakali professor-o’qituvchilarni jalb etish borasida ko’plab ishlar amalga oshirildi. Universitet kampusida sud zali, kriminalistika xonasi, Yuridik klinika, Yapon huquqini tadqiq qilish markazi, Nemis huquqini tadqiq qilish markazi, Kiber huquq markazi,

Kovorking markazi hamda huquqni muhofaza qiluvchi organlar bilan hamkorlikda ularning binolarida “Amaliy huquqshunoslik kafedralari” tashkil etildi.

Shuningdek, yuridik ta’lim sifatiga oid vazifalarni amalga oshirish borasida zamonaviy, sodda tilda yozilgan va jozibador huquqiy o‘quv va ilmiy adabiyotlar nashr etildi.

O‘quv jarayonlariga xorijiy tajribani keng tatbiq etish maqsadida xorijiy professor-o‘qituvchilar ham talabalarga dars berish uchun jalb etildi. Xorijiy ekspertlar, soha mutaxassislari va huquqshunos olimlar ishtirokida mahorat darslari, seminar-treninglar, davra suhbatlari va turli anjumanlar tashkil etildi.

Mazkur ishlardan keng jamoatchilikni xabardor qilish, univristetdagi o‘quv va ta’lim jarayonlariga oid ishlarni milliy va xorijiy OAV va ijtimoiy tarmoqlar orqali yoritish, universitetdagi markazlar faoliyati bilan aholi, ayniqsa, yoshlarni tanishtirish Dasturning asosiy yo‘nalishlaridan biridir.

2.3. Ilmiy-innavotsion yo‘nalishda universitetda amalga oshirilgan ishlar va yutuqlardan jahon va mamlakatimiz hamjamiyatini xabardor qilib borish

2023-yil yakuniga ko‘ra, TDYUda ilmiy salohiyat 48 foizni tashkil etgan. Yil davomida universitet tomonidan davlat ilmiy texnika dasturlari doirasida 1 ta milliy va 4 ta xorijiy grantlar (Yevropa Ittifoqi grantlari, Erasmus+ va DAAD) qo‘lga kiritildi, 47 ta doktorlik dissertatsiyalari himoyasi o‘tkazildi. Scopus va Web of Science kabi ilmiy bazalarda indekslanadigan ilmiy jurnallarda universitet professor-o‘qituvchilari muallifligida 75 dan ortiq maqola chop etildi. “Legal Tech” laboratoriyasida 5 ta ishlanma yaratilib, 1 ta spin-off kompaniyasi tashkil etildi, kovorking markazida 7 ta ijtimoiy loyiha amalga oshirilishi boshlandi.

Ayni paytda universitet professor-o‘qituvchilari va xodimlari turli xalqaro va milliy ilmiy-amaliy konferensiya, davra suhbatlari va boshqa turli anjumanlarda ishtirok etib kelmoqda.

Shuningdek, universitetning ilmiy salohiyatini oshirish maqsadida nufuzli xorijiy professor-o'qituvchilar va ekspertlar ishtirokida turli mahorat darslari va treninglar tashkil etilmoqda.

Shu jihatdan universitet ilmiy salohiyati oshirishga qaratilgan ishlar va yutuqlarni yoritib borish, universitetning professorlari va yosh olimlari, ularning ilmiy ishlari va tadqiqotlari haqida turli ko'rsatuv va reportajlar tayyorlash, universitet rivojiga hissa qo'shgan va qo'shayotgan faxriy professorlarning hayot va faoliyat yo'li haqida ibratli videoroliklarni suratga olish orqali universitetning ilmiy-innovatsion faoliyati va yutuqlari bilan keng jamoatchilikni xabardor qilish Dasturning asosiy yo'nalishlaridan biri hisoblanadi.

2.4. Universitetda yoshlarning ijtimoiy faolligini oshirish, iqtidorli yoshlar bilan ishlash va ma'naviy-ma'rifiy yo'nalishda amalga oshirilayotgan ishlar bilan keng jamoatchilikni tanishtirish

TDYUda iqtidorli yoshlar bilan ishlash, talabalarning ijtimoiy faolligini oshirish va ma'naviy-ma'rifiy ishlarni tashkil qilishda o'zini-o'zi boshqarish mexanizmi joriy etilgan bo'lib, bunda TDYU Talabalar Assotsiatsiyasi hamda O'zbekiston yoshlar ittifoqining universitetdagi boshlang'ich tashkiloti faoliyatidan samarali foydalanilmoqda.

Shuningdek, ayni paytda universitetda 21 ta klub va 9 ta sport klublari, 37 ta ilmiy to'garak va 14 ta ilmiy maktablar faoliyat yuritmoqda. Birgina 2023-yilning o'zida TDYUda 89 ta ma'naviy-ma'rifiy tadbirlar, 46 marotaba uchrashuv va davra suhbatlari, 69 dan ortiq loyiha va tanlovlar, 23 marotaba sport musobaqalari tashkil etildi.

Universitet talabalari O'zbekiston Respublikasi Prezidenti stipendiyasi va nomdor davlat stipendiyalari, Prezident granti, O'zbekiston Respublikasi Adliya vazirligining stipendiyasi, Toshkent shahar prokurori stipendiyasi, Xadicha Sulaymonova nomidagi maxsus stipendiya, G'afur G'ulom nomidagi maxsus stipendiya, universitet stipendiyasi va ta'lim grantini qo'lga kiritmoqda. Shuningdek, talabalarimiz turli xalqaro va milliy tanlovlarda muvaffaqiyatli ishtirok

etib, universitetimiz sharafigi munosib himoya qilmoqda. Xususan, talabalarimizning “Phillip S.Jessup International Law Moot Court Competition” xalqaro musobaqasining Markaziy Osiyo raundlarida birinchi o‘rinni (xalqaro raundlarda kuchli TOP-48 jamoa orasida), “The Willem C. Vis International Commercial Arbitration Moot” xalqaro musobaqasining Markaziy Osiyo raundlarida birinchi o‘rinni egallagani, “John H.Jackson” xalqaro tanlovining xalqaro raundlarida TOP-50 jamoa ichidan o‘rin olgani fikrimizning tasdiqi‘idir.

Milliy va xalqaro tanlovlarda munosib ishtirok etayotgan, turli stipendiyalarni qo‘lga kiritayotgan talabalarimiz haqida turkum ko‘rsatuv va videoroliklar tayyorlash, ularning ilmiy salohiyati, o‘qish va amaliyotdagi yutuqlarini tengdoshlariga o‘rnatib qilib ko‘rsatish, iqtidorli talabalarimizni keng jamoatchilikka tanitish, bu orqali universitet brendini ommalashtirish va ijobiy imijini shakllantirish, ma‘naviy-ma‘rifiy yo‘nalishda amalga oshirilayotgan ishlardan keng jamoatchilik va OAV vakillarini xabardor etish, universitet yutuqlarini tezkorlik bilan turli OAV va ijtimoiy tarmoqlar orqali yoritib borish Dasturning asosiy maqsadlaridan biridir.

2.5. Xalqaro hamkorlik, qo‘shma ta‘lim va tadqiqot dasturlarini yangi bosqichga ko‘tarish, universitetning xalqaro reytinglarda munosib o‘rin egallashini bo‘yicha amalga oshirilgan ishlarni yoritish

Yetuk xorijiy universitetlar va ilmiy markazlar bilan o‘zaro manfaatli va natijador hamkorlikni yo‘lga qo‘yish, nufuzli xalqaro reytinglarda yuqori o‘rinlarni egallash universitetning asosiy strategik maqsadlaridan biri hisoblanadi.

Bugungi kunda bu yo‘nalishda ko‘plab ishlar amalga oshirilib, qator yutuqlarga erishilmoqda.

Xususan, universitet mintaqaviy dasturlar (Erasmus+, Tempus), shuningdek, alohida xalqaro hamkorlik tashkilotlari (KOICA, JICA, DAAD, GIZ) bilan hamkorlikni yangi bosqichga ko‘tarib, hamkorlikda hamkorlikda turli grant loyihalarini amalga oshirmoqda. Shu bilan birga xorijiy professor-o‘qituvchilarni universitet ta‘lim jarayoniga jalb qilish maqsadida “The Fulbright U.S. Scholar

Program”, “The Fulbright Specialist Program” dasturlari doirasida samarali hamkorlik qilinmoqda. Ushbu ishlar samarasi o‘laroq, universitet professor-o‘qituvchilari nufuzli xorijiy oliy ta’lim tashkilotlarida stajirovka o‘tamoqda, tajribali xorijiy ekspertlar va soha mutaxassislari ishtirokida universitet xodim va professor-o‘qituvchilari uchun mahorat darslari va treninglar tashkil etilmoqda. Shuningdek, chet eldagi vatandoshlar bilan hamkorlikda masofaviy o‘quv kurslari va yuridik ta’limni rivojlantirish bo‘yicha individual loyihalar ishlab chiqish hamda xorijiy fuqarolarni o‘qishga jalb qilishning alohida tizimini yaratish bo‘yicha ham qator chora-tadbirlar amalga oshirilmoqda.

Qilinayotgan ishlar universitet xodim va professor-o‘qituvchilariga tajriba almashish imkonini berish bilan birga xorijiy tajriba bilan yaqindan tanishish imkonini bermoqda. Bu esa xodim va professor-o‘qituvchilarimizning malakasi va salohiyatini oshirishga xizmat qilmoqda.

Universitetda xalqaro reyting tashkilotlarining mintaqaviy va global reytingiga kiritishda hisobga olinadigan yo‘nalishlar bo‘yicha ishlashning yangi tizimini yaratilgan bo‘lib, QS (EECA, World, ESG Metrics, Graduate Employability), THE World University Ranking, THE Impact Ranking, Greenmetric, U–Multirank, WURI, RUR xalqaro reyting tashkilotlari bilan global reytingga kirish yuzasidan muntazam chora-tadbirlar amalga oshirilmoqda. Natijada universitetning nufuzli xalqaro reytinglardagi o‘rni yil sayin yaxshilanib,

Bundan tashqari, universitet xorijiy universitetlar bilan ham hamkorlik aloqalarini kengaytirmoqda. Natijada ayni paytda dunyoning nufuzli universitetlari bilan xodimlar, professor-o‘qituvchilar va talabalar akademik almashinuv dasturlari, qo‘shma ta’lim dasturlari yo‘lga qo‘yilib, hamkorlikda turli ilmiy loyihalar amalga oshirilmoqda.

Mazkur yo‘nalishlardagi ishlar haqida maxsus reportajlar tayyorlash, yutuqlar va yangi loyihalar haqida keng jamoatchilik va OAV vakillariga ma’lumotlar berish, doimiy ravishda hamkor universitetlarda ta’lim olib qaytgan talabalar, turli loyihalar doirasida stajirovka o‘tagan professor-o‘qituvchilar haqida turkum ko‘rsatuv va maqolalar tayyorlash, universitet yutuqlari haqida xorijiy OAVda chiqishlar qilish

uchun xodim va professor-o'qituvchilar bilan hamkorlik qilish Dasturning yana bir asosiy yo'nalishlaridandir.

III. Universitet brendini ommalashtirish, ijobiy imijini shakllantirishning asosiy yo'nalishlari va Dasturni amalga oshirish mexanizmlari

2024–2026-yillarda Toshkent davlat yuridik universiteti faoliyatini yoritish, uning ijobiy imijini shakllantirish hamda keng jamoatchilik va OAV bilan aloqalarni mustahkamlash, bu yo'nalishdagi ishlarni strategik rivojlantirish dasturida nazarda tutilgan maqsad va vazifalarni amalga oshirish mexanizmlari hamda Universitet brendini ommalashtirish, ijobiy imijini shakllantirishning asosiy yo'nalishlari yo'l xaritada ko'rsatib o'tilmoqda.

*Toshkent davlat yuridik
universiteti rektorining
2024-yil _-martdagi
_-sonli buyrug‘iga
3-ilova*

**2024–2026-yillarda Toshkent davlat yuridik universiteti faoliyatini yoritish, uning ijobiy imijini shakllantirish hamda keng jamoatchilik va OAV bilan aloqalarni mustahkamlash, bu yo‘nalishdagi ishlarni strategik rivojlantirish dasturini amalga oshirish yuzasidan
YO‘L XARITASI**

T/r	Tadbir nomi	Amalga oshirish mexanizmi	Muddati	Mas’ul ijrochilar
Universitetdagi transformatsiya jarayonlari bilan keng jamoatchilikni tanishtirish				
1.	Transformatsiya — huquqiy ta’lim kelajagi	1. TDYU Transformatsiya bo‘limi bilan hamkorlikda universitetdagi transformatsiya jarayonlari haqida ma’lumotlarni yig‘ish; 2. Bu yo‘nalishdagi ishlarni doimiy tahlil qilib borish; 3. TDYU transformatsiya borasida qilinayotgan ishlar xususida ko‘rsatuv va maqolalar tayyorlash hamda OAV va ijtimoiy tarmoqlar orqali e’lon qilish.	2024-yil, mart	I.Rustambekov B.Qosimov J.Haydarov
2.	Transformatsiya fakt va raqamlarda	1. TDYU Transformatsiya bo‘limi bilan hamkorlikda universitetdagi transformatsiya jarayonlari haqida ma’lumotlarni yig‘ish; 2. TDYUda transformatsiya yo‘nalishida amalga oshirilayotgan ishlar xususida turli postlar va infografikalar tayyorlash; 3. Postlar va infografikalarni Universitet rasmiy veb-sayti va ijtimoiy tarmoqlar orqali e’lon qilish.	doimiy	I.Rustambekov B.Qosimov J.Haydarov
3.	TDYU transformatsiyasi yangi bosqichda	1. TDYU Transformatsiya bo‘limi bilan hamkorlikda faoliyat olib borayotgan xorijiy ekspertlar va mutaxassislar bilan suhbatlar tashkil qilish;	doimiy	I.Rustambekov B.Xodjayev B.Qosimov

		<p>2. Xorijlik mutaxassislarning intervyularidan muhim iqtiboslar tayyorlash;</p> <p>3. Xorijlik mutaxassislar bilan suhbatlar va muhim iqtiboslarini universitet rasmiy veb-sayti va ijtimoiy tarmoqlar orqali e’lon qilish.</p>		<p>F.Umirov J.Haydarov</p>
4.	Raqamlashtirish huquqiy ta’lim rivojiga xizmat qiladi	<p>1. Universitetda raqamlashtirish borasida qilinayotgan ishlar xususida ma’lumot to’plash;</p> <p>2. Bu yo’nalishdagi ishlarni doimiy tahlil qilib borish;</p> <p>3. TDYU raqamlashtirish jarayonlari borasida qilinayotgan ishlar xususida ko’rsatuv va maqolalar tayyorlash hamda OAV va ijtimoiy tarmoqlar orqali e’lon qilish.</p>	2024-yil, aprel	<p>I.Rustambekov S.Bazarov J.Haydarov</p>
5.	Huquqiy ta’limni raqamlashtirish fakt va raqamlarda	<p>1. Universitetda raqamlashtirish borasida qilinayotgan ishlar, “Elektron universitet” tizimi haqida ma’lumot to’plash;</p> <p>2. TDYUda raqamlashtirish yo’nalishida amalga oshirilayotgan ishlar xususida turli postlar va infografikalar tayyorlash;</p> <p>3. Postlar va infografikalarni Universitet rasmiy veb-sayti va ijtimoiy tarmoqlar orqali e’lon qilish.</p>	doimiy	<p>I.Rustambekov S.Bazarov J.Haydarov</p>
6.	Registrator ofis — xodim va talabalar xizmatida	<p>1. Universitet O’quv-uslubiy boshqarmasi (Registrator ofis) faoliyati haqida ma’lumotlarni to’plash;</p> <p>2. Boshqarma haqida xodim va talabalardan intervyular olish;</p> <p>3. Registrator ofis haqida reportaj, ko’rsatuv va maqolalar tayyorlash;</p> <p>4. Reportaj, ko’rsatuv va maqolalarni OAV va ijtimoiy tarmoqlar orqali e’lon qilish;</p> <p>5. Boshqarma haqida xodim va talabalarning fikrlarini ijtimoiy tarmoqlar orqali berib borish.</p>	2024-yil, aprel	<p>I.Rustambekov S.Bazarov J.Haydarov</p>
7.	Registrator ofis fakt va raqamlarda	<p>1. Universitet O’quv-uslubiy boshqarmasi (Registrator ofis) faoliyati haqida ma’lumotlarni to’plash;</p> <p>2. Ko’rsatilayotgan xizmatlar va yutuqlar haqida</p>	2024-yil, aprel	<p>I.Rustambekov S.Bazarov J.Haydarov</p>

		postlar va infografikalar tayyorlash; 3. Postlar va infografikalarni Universitet rasmiy veb-sayti va ijtimoiy tarmoqlar orqali e’lon qilish.		
O’quv va ta’lim sifatini oshirish borasida qilinayotgan chora-tadbirlarni zamonaviy metodlar asosida yoritish				
8.	TDYU yuridik amaliyot markaziga aylantirilmoqda	1. Universitetda nazariya va amaliyot uyg’unligini ta’minlash borasida qilinayotgan ishlar, universitet kampusidagi sud zali va kriminalistika xonalari faoliyati, ushbu xonalardagi dars jarayonlari haqida videoroliklar ssenariysini tayyorlash; 2. Ssenariylar asosida videoroliklarni tasvirga olish; 3. Roliklarni OAV va ijtimoiy tarmoqlar orqali e’lon qilish.	doimiy	I.Rustambekov S.Bazarov J.Haydarov fakultet dekanlari kafedra mudirlari
9.	Xorij huquqini tadqiq qilish malakali huquqshunos bo’lishga ko’maklashadi	1. Universitetdagi Yapon huquqini tadqiq qilish markazi, Nemis huquqini tadqiq qilish markazi haqida reportaj va ko’rsatuvlar tayyorlash; 2. Reportaj va ko’rsatuvlarni OAV va ijtimoiy tarmoqlar orqali e’lon qilish.	2024-yil, aprel	I.Rustambekov B.Xodjayev F.Umirov D.Umarxanova J.Haydarov
10.	Xorij huquqini tadqiq qilish markazlari faoliyati fakt va raqamlarda	1. Universitetdagi Yapon huquqini tadqiq qilish markazi va Nemis huquqini tadqiq qilish markazi faoliyati haqida ma’lumotlarni to’plash; 2. To’plangan ma’lumotlar asosida postlar, infografika va videoinfografikalar tayyorlash; 3. Postlar, infografikalar va videoinfografikalarni Universitet rasmiy veb-sayti va ijtimoiy tarmoqlar orqali e’lon qilish.	2024-yil, may	I.Rustambekov B.Xodjayev F.Umirov D.Umarxanova J.Haydarov
11.	“Amaliy huquqshunoslik kafedralari” — nazariya va amaliyot uyg’unligini ta’minlashga xizmat qilmoqda	1. “Amaliy huquqshunoslik kafedralari” faoliyati haqida reportaj va ko’rsatuvlar tayyorlash; 2. Reportaj va ko’rsatuvlarni OAV va ijtimoiy tarmoqlar orqali e’lon qilish.	2024-yil, sentabr	I.Rustambekov S.Bazarov J.Haydarov fakultet dekanlari kafedra mudirlari
12.	Kiber huquq — huquqning yangi yo’nalishi sifatida	1. Universitetdagi Kiber huquq markazi haqida reportaj va ko’rsatuvlar tayyorlash; 2. Kiber huquqni o’qitish bo’yicha universitetda qilinayotgan ishlar haqida roliklar tayyorlash; 3. Reportaj, ko’rsatuv va roliklarni OAV va ijtimoiy	2024-yil, may	I.Rustambekov S.Bazarov J.Haydarov S.Gulyamov fakultet dekanlari

		tarmoqlar orqali e'lon qilish.		
13.	Inson omilisiz o'tayotgan imtihonlar malakali kadrlarni tayyorlashga zamin yaratmoqda	1. Universitetdagi kredit-modul tizimi, intensiv kurslar, imtihon jarayonlari, imtihonlarni olish va baholash tartibi haqida roliklar tayyorlash; 2. Roliklarni ijtimoiy tarmoqlar orqali e'lon qilish.	2024-yil, iyul	I.Rustambekov S.Bazarov J.Haydarov fakultet dekanlari
14.	Yuridik ta'limda nazariya va amaliyot uyg'unligi muhim ahamiyat kasb etadi	1. Universitet tomonidan talabalarning bandligini ta'minlash borasida qilinayotgan ishlar xususida ma'lumot to'plash; 2. Nazariya va amaliyot uyg'unligini ta'minlashga qaratilgan "Adliya" talabalar klubi, "Bo'lajak prokurorlar", "Yosh diplomatlar", "Bo'lajak advokatlar", "Bo'lajak notariuslar" klublari, "Ombudsman klubi" va boshqa shu yo'nalishdagi klublar faoliyati va ularning ahamiyati haqida roliklar tayyorlash; 3. Klublar faoliyatini fakt va raqamlarda aks ettiruvchi infografikalar tayyorlash; 4. Roliklar va infografikalarni OAV va ijtimoiy tarmoqlar orqali e'lon qilish.	doimiy	I.Rustambekov A.Hoshimxonov S.Bazarov J.Haydarov Sh.Po'lotov fakultet dekanlari
15.	Akademik litsey yuridik ta'lim sari ilk qadam	1. TDYU qoshidagi M.Vosiqova nomidagi akademik litsey faoliyati haqida rolik tayyorlash; 2. Akademik litseyning iqtidorli o'quvchilari haqida intervyular va ko'rsatuv tayyorlash; 3. Rolik va intervyularni ijtimoiy tarmoqlar orqali e'lon qilish.	2024-yil, sentabr	I.Rustambekov B.Xodjayev D.Avezov J.Haydarov
16.	Yangi avlod yuridik adabiyotlari: yangi bilim, yangi dunyoqarash	1. TDYU profesor-o'qituvchilari tomonidan tayyorlangan darsliklar, o'quv qo'llanmalar, ilmiy va uslubiy adabiyotlar haqida ma'lumotlarni to'plash; 2. Ushbu kitoblar targ'iboti va reklamasi uchun postlar va targ'ibot roliklari tayyorlash; 3. Postlar va roliklarni Universitet rasmiy veb-sayti va ijtimoiy tarmoqlar orqali e'lon qilish.	doimiy	I.Rustambekov B.Xodjayev H.Pirmedova O.Choriyev J.Haydarov
17.	"Mobilograflar klubi" loyihasi	1. Yuridik klinika talabalari ishtirokida fuqarolarni qabul qilish va murojaatlar bilan ishlash jarayonini to'liq tushuntirib beruvchi, huquqiy maslahatlar berilgan videorolik va reelslar tayyorlash uchun "Mobilograflar	2024-yil, aprel doimiy	I.Rustambekov A.Hoshimxonov O.Narziyev J.Haydarov

		klubi”ni tashkil etish; 2. Huquqiy targ’ibotga ko‘proq talabalarni jalb etish; 3. Talabalar tomonidan tayyorlangan kontentlarni universitet rasmiy veb-sayti va ijtimoiy tarmoqlar orqali e’lon qilish.		Sh.Po‘lotov fakultet dekanatlari
18.	Universitet xodimlari va professor-o‘qituvchilarining OAVda chiqishlarini universitetning rasmiy veb-sayti va ijtimoiy tarmoqlar orqali e’lon qilish	1. Universitet professor-o‘qituvchilarining OAVda chiqishlari dayjestini yuritish; 2. OAVda chiqishlarni ijtimoiy tarmoqlar va rasmiy veb-sayt orqali berish borish; 3. Tarkibiy tuzilmalarning OAVda chiqishlari bo‘yicha monitoringni yuritish.	doimiy	I.Rustambekov A.Hoshimxonov J.Haydarov H.Pirmedova fakultet dekanatlari kafedra mudirlari tarkibiy tuzilmalar rahbarlari
19.	Xorijiy tajriba muhim ahamiyatga ega	1. Xorijiy ekspertlar ishtirokidagi turli tadbirlar va anjumanlar haqida ma’lumotlarni to‘plash; 2. Xorijiy ekspertlar ishtirokidagi turli tadbirlar va anjumanlardan reportaj va roliklar tayyorlash; 3. Xorijiy ekspertlar ishtirokidagi turli tadbirlar va anjumanlardan iqtiboslar to‘plash; 4. Reportaj, rolik va iqtiboslarni universitet rasmiy veb-sayti va ijtimoiy tarmoqlar orqali e’lon qilish	doimiy	I.Rustambekov B.Xodjayev F.Umirov J.Haydarov fakultet dekanatlari kafedra mudirlari
Ilmiy-innavotsion yo‘nalishda universitetda amalga oshirilgan ishlar va yutuqlardan jahon va mamlakatimiz hamjamiyatini xabardor qilib borish				
20.	Ilmiy stajirovkalar ilmiy salohiyatni oshiradi	1. Ilmiy stajirovka o‘tab kelgan xodim va professor-o‘qituvchilar bilan suhbatlar tashkil etish; 2. Ilmiy stajirovkalar natijasini ommalashtirish uchun tarkibiy tuzilmalar bilan hamkorlikda hisobot roliklari tayyorlash; 3. Suhbatlar va hisobot roliklarni universitet rasmiy veb-sayti va ijtimoiy tarmoqlar orqali e’lon qilish.	doimiy	I.Rustambekov B.Xodjayev J.Allayorov F.Umirov J.Haydarov fakultet dekanatlari kafedra mudirlari
21.	“Legal Tech” — huquq va zamonaviy texnikalar uyg‘unligi	1. “Legal Tech” huquqiy laboratoriyasi faoliyatiga oid ma’lumotlarni to‘plash; 2. Ushbu ma’lumotlar asosida post, infografika va ko‘rsatuvlar tayyorlash; 3. “Legal Tech”da o‘z startaplarini boshlagan	2024-yil, oktabr	I.Rustambekov B.Xodjayev J.Allayorov S.Latipov J.Haydarov

		talabalar bilan intervyular tashkil etish va ularning loyihalari mazmunini keng jamoatchilikka yetkazish; 4. Post, infografika, ko'rsatuv va intervyularni OAV va ijtimoiy tarmoqlar orqali e'lon qilish.		fakultet dekanatlari kafedra mudirlari
22.	Kovorking markazi yangi huquqiy startaplarning amalga oshishiga xizmat qiladi	1. TDYU Kovorking markazi haqida ko'rsatuv tayyorlash; 2. Kovorking markazida faoliyat yuritayotgan va o'z startaplarini boshlagan talabalar bilan intervyular tashkil etish; 3. Talabalarining loyihalari haqida reportajlar tayyorlash; 4. Ko'rsatuv, intervyu va reportajlarni OAV va ijtimoiy tarmoqlar orqali e'lon qilish.	2024-yil, avgust	I.Rustambekov B.Xodjayev S.Latipov J.Haydarov
23.	Olimlarimiz — faxrimiz	1. TDYUda faoliyat yuritayotgan professor-o'qituvchilar, yosh olimlar bazasini shakllantirish; 2. Bazadagi har bir professor-o'qituvchi va yosh olimlarning faoliyati va ilmiy ishlari haqida videoroliklar tayyorlash; 3. Videoroliklarni ijtimoiy tarmoqlar orqali e'lon qilish.	bir oy muddatda, doimiy	I.Rustambekov B.Xodjayev J.Allayorov J.Haydarov fakultet dekanatlari kafedra mudirlari
Universitetda yoshlarning ijtimoiy faolligini oshirish, iqtidorli yoshlar bilan ishlash va ma'naviy-ma'rifiy yo'nalishda amalga oshirilayotgan ishlar bilan keng jamoatchilikni tanishtirish				
24.	Iqtidorli talabalarimiz — tayanchimiz	1. Universitetda tahsil olayotgan iqtidorli (O'zbekiston Respublikasi Prezidenti stipendiyasi va nomdor davlat stipendiyalari, Prezident granti, O'zbekiston Respublikasi Adliya vazirligining stipendiyasi, Toshkent shahar prokurori stipendiyasi, Xadicha Sulaymonova nomidagi maxsus stipendiya, G'afur G'ulom nomidagi maxsus stipendiya, universitet stipendiyasi va ta'lim grantini qo'lga kiritgan, xalqaro tanlovlarda muvaffaqiyatli ishtirok etgan) talabalar bazasini shakllantirish; 2. Iqtidorli talabalar haqida turkum ko'rsatuvlar, roliklar va postlar tayyorlash; 3. Talabalarining o'qishi va hayot tarzi haqida	doimiy	I.Rustambekov A.Hoshimxonov J.Haydarov Sh.Po'lotov fakultet dekanatlari

		<p>turkum ko'rsatuvlar tayyorlash;</p> <p>4. Iqtidorli talabalardan tengdoshlari uchun tavsiya va iqtiboslarni yig'ish;</p> <p>5. Turkum ko'rsatuvlar, roliklar, postlar, iqtiboslar va tavsiyalarni OAV va ijtimoiy tarmoqlar orqali e'lon.</p>		
25.	“Talaba-kontent” tizimi — talabalar bilan ishlashning yangi yo'nalishi	<p>1. Jurnalistika va OAVga qiziquvchi talabalar ro'yxatini shakllantirish;</p> <p>2. Talabalar uchun tashkil etilgan “TSUL SMM”, “TSUL Jurnalistika”, “TSUL Media” to'garaklari faoliyatini yanada takomillashtirish;</p> <p>3. Talabalarga turli roliklar va ko'rsatuvlar tayyorlashi uchun ssenariylar tayyorlashda ko'maklashish;</p> <p>4. Talabalar ishtirokida turkum huquqiy targ'ibot roliklarini va boshqa reportajlarni tayyorlash;</p> <p>5. Talabalar tomonidan tayyorlangan media materiallarni OAV va ijtimoiy tarmoqlar orqali e'lon qilish.</p>	2024-yil, aprel doimiy	<p>I.Rustambekov A.Hoshimxonov J.Haydarov Sh.Po'lotov fakultet dekanatlari</p>
26.	Ma'naviy-ma'rifiy tadbirlar talabalarning ham ma'nan, ham jismonan yetuk bo'lib yetishishiga xizmat qilmoqda	<p>1. Universitetda o'tkaziladigan ma'naviy-ma'rifiy va sport tadbirlarining oylik, choraklik, yarim yillik va yillik rejasini ishlab chiqish;</p> <p>2. Tadbirlarning sifatli o'tkazilishini ta'minlash, bu jarayonda turli targ'ibot usullaridan foydalanish;</p> <p>3. Tadbirlarni OAV va ijtimoiy tarmoqlar orqali yoritish.</p>	doimiy	<p>I.Rustambekov A.Hoshimxonov Sh.Po'lotov J.Haydarov</p>
27.	Faxriy professorlarimiz doim ardoqda	<p>1. Universitetda faoliyat yuritgan va yuritayotgan faxriy professor-o'qituvchilar ro'yxatini shakllantirish;</p> <p>2. Faxriy professorlarning hayoti va faoliyati haqida roliklar tayyorlash;</p> <p>3. Faxriy professorlarning ilmiy salohiyatini ommalashtirishga qaratilgan intervyu va ko'rsatuvlar tayyorlash;</p> <p>4. Roliklar, intervyular va ko'rsatuvlarni OAV va ijtimoiy tarmoqlar orqali e'lon qilish.</p>	bir oy muddatda, doimiy	<p>I.Rustambekov A.Hoshimxonov J.Haydarov Sh.Po'lotov fakultet dekanatlari</p>

Xalqaro hamkorlik, qo'shma ta'lim va tadqiqot dasturlarini yangi bosqichga ko'tarish, universitetning xalqaro reytinglarda munosib o'rin egallashini bo'yicha amalga oshirilgan ishlarni yoritish				
28.	TDYU xorijiy ekspertlar nigohida	1. Universitetga tashrif buyuradigan professor-o'qituvchilar ro'yxatini shakllantirish; 2. Ro'yxat asosida yoki turli tadbirlar paytida TDYUga tashrif buyurgan xorijiy ekspertlar bilan suhbat va intervyular tashkil etish; 3. Suhbat va intervyularni OAV va ijtimoiy tarmoqlar orqali e'lon qilish.	doimiy	I.Rustambekov B.Xodjayev F.Umirov J.Haydarov fakultet dekanatlari
29.	TDYU talabalari xalqaro maydonlarda	1. TDYU talabalari ishtirok etadigan xalqaro tanlovlar ro'yxatini shakllantirish; 2. Xalqaro tanlovlar jarayonlari, ularda talabalarimizning ishtiroki haqida postlar tayyorlash; 3. Xalqaro tanlovlarda ishtirok etib qaytgan talabalar bilan suhbat va intervyular tashkil etish; 4. Talabalardan xalqaro tanlovlar, ularda ishtirok etish bo'yicha tavsiya va iqtiboslarni yig'ish; 5. Postlar, suhbat, intervyu, tavsiya va iqtiboslarni OAV va ijtimoiy tarmoqlar orqali e'lon qilish.	bir oy muddatda, doimiy	I.Rustambekov B.Xodjayev F.Umirov J.Haydarov fakultet dekanatlari
30.	Xalqaro hamkorlik yuridik ta'lim taraqqiyoti uchun xizmat qiladi	1. TDYUning xorijiy hamkor tashkilotlari va universitetlari ro'yxatini shakllantirish; 2. Ro'yxat asosida hamkor muassasalar haqida infografika va postlar tayyorlash; 3. Xalqaro uchrashuvlardan reportajlar tayyorlash; 4. Reportaj, infografika va postlarni OAV va ijtimoiy tarmoqlar orqali e'lon qilish.	bir oy muddatda, doimiy	I.Rustambekov B.Xodjayev F.Umirov J.Haydarov fakultet dekanatlari
Universitet brendini ommalashtirish, ijobiy imijini shakllantirishning asosiy yo'nalishlari				
31.	Maqsadli auditoriyani o'rganish	1. Universitet veb-sayti, ijtimoiy tarmoqlaridan eng ko'p foydalanayotgan va ularga tashrif buyurayotgan foydalanuvchilar tahlil qilish; 2. Auditoriya aynan qaysi mavzudagi ma'lumotlarga qiziqish bildirayotganini o'rganish; 3. Tahlillar natijasini umumalashtirish va shu orqali veb-sayt va ijtimoiy tarmoqlar faoliyatini yanada	bir oy muddatda	I.Rustambekov J.Haydarov

		takomillashtirish.		
32.	To'g'ridan to'g'ri muloqotlarni yo'lga qo'yish	<p>1. Aholi, ayniqsa, yoshlar, xorijiy fuqarolarning universitetga bo'lgan qiziqishi va e'tiborini oshirish maqsadida turli media tadbirlar, xususan, matbuot anjumanlari, brifinglar, press-turlar, ochiq muloqotlar tashkil etish;</p> <p>2. Matbuot anjumanlari, brifinglar, press-turlar, ochiq muloqotlarda universitet faoliyatiga doir ma'lumotlarni berish;</p> <p>3. Matbuot anjumanlari, brifinglar, press-turlar, ochiq muloqotlarda universitet rahbariyati va tarkibiy tuzilmalar rahbarlarining ishtirokini ta'minlash.</p>	doimiy	<p>I.Rustambekov A.Hoshimxonov B.Xodjayev A.Iminov J.Haydarov fakultet dekanlari tarkibiy tuzilmalar rahbarlari</p>
33.	Ijtimoiy tarmoqlar va veb-sayt integratsiyasini ta'minlash	<p>1. Ijtimoiy tarmoqlar va veb-saytda ma'lumotlar bir vaqtda chiqishini ta'minlash;</p> <p>2. Postlarning uch tilda e'lon qilinishini ta'minlash;</p> <p>3. Ijtimoiy tarmoqlar va veb-saytdagi ma'lumotlar bir xil bo'lishini ta'minlash.</p>	doimiy	<p>I.Rustambekov J.Haydarov</p>
34.	Mahalliy OAV bilan aloqalarni mustahkamlash	<p>1. Foydalanuvchilar soni ko'p bo'lgan internet nashrlari (kun.uz, daryo.uz, gazeta.uz, qalampir.uz, uza.uz, yuz.uz, podrobno.uz)ga obunalarni tashkil etish;</p> <p>2. Mahalliy OAV vakillari uchun matbuot anjumanlari, brifinglar, press-turlar, ochiq muloqotlar tashkil etish;</p> <p>3. Universitet qoshida press-pulni shakllantirish;</p> <p>4. Universitet faoliyatini yoritib borishda faollik ko'rsatgan jurnalistlarni rag'batlantirib borish tizimini yo'lga qo'yish.</p>	yil avvalida, doimiy	<p>I.Rustambekov A.Iminov A.Raximov M.Parpiyev J.Haydarov</p>
35.	Universitetning ijtimoiy tarmoqlarini huquqiy savodxonlikni oshiruvchi kontentlar bilan boyitish	<p>1. Aholi, ayniqsa, yoshlar o'rtasida ularni qiynayotgan huquqiy muammo va masalalar yuzasidan so'rovnomalar o'tkazish;</p> <p>2. So'rovnomalar asosida aholini qiynayotgan muammolarning huquqiy yechimiga qaratilgan post, infografika va turli roliklarni tayyorlash va ijtimoiy tarmoqlar orqali e'lon qilish;</p>	doimiy	<p>I.Rustambekov A.Hoshimxonov J.Haydarov fakultet dekanlari</p>

		3. Bosqichma-bosqich ijtimoiy tarmoqlarni axboriy yoʻnalishdan tahliliy materiallar berib boriladigan internet manbayiga aylantirish;		
--	--	---	--	--

*Toshkent davlat yuridik
universiteti rektorining
2024-yil _-martdagi
_-sonli buyrug‘iga
1-ilova*

**Toshkent davlat yuridik universitetida axborot siyosatini
takomillashtirish, ochiqlikni ta’minlash hamda universitetning ijobiy imijini
shakllantirish to‘g‘risida**

NIZOM

I. Umumiy qoidalar

1.1. O‘zbekiston Respublikasi Prezidentining 2020-yil 29-apreldagi PF-5987-son “O‘zbekiston Respublikasida yuridik ta’lim va fanni tubdan takomillashtirish bo‘yicha qo‘shimcha chora-tadbirlar to‘g‘risida”gi Farmoniga muvofiq bugungi kunda Toshkent davlat yuridik universitet (keyingi o‘rinlarda — universitet)da axborot siyosatini takomillashtirish, ochiqlikni ta’minlash va universitetning ijobiy imijini shakllantirish borasida qator chora-tadbirlar amalga oshirilmoqda.

1.2. Mazkur nizom universitetda ochiqlik va shaffoflikni ta’minlash, universitet faoliyati haqida keng jamoatchilik va OAV vakillarini tezkor va aniq ma’lumotlarni yetkazish, bu orqali aholi, ayniqsa, yoshlarning universitet faoliyati haqida xabardorligini oshirish va uning ijobiy imijini shakllantirish borasida amalga oshiriladigan chora-tadbirlar tartibini belgilaydi.

1.3. Nizom universitetning axborot siyosatini izchillik bilan tartibga solishga qaratilgan.

II. Asosiy tushunchalar

2.1. Mazkur nizomda quyidagi asosiy tushunchalardan foydalaniladi:

Rasmiy veb-sayt — universitet tomonidan internet tarmog‘ida faoliyatning ochiqligini ta’minlash maqsadida tashkil etilgan, amaldagi qonunchilik va universitetning mahalliy normativ hujjatlari asosida yaratilgan o‘zaro bog‘langan veb-sahifalar majmuidir. Universitet rasmiy veb-sayti internet tarmog‘ida **www.tsul.uz** domen manzilida joylashgan.

Ijtimoiy tarmoqlardagi sahifalar — universitetning Telegram messenjeri, Instagram, Facebook, LinkedIn, YouTube, Twitter (X) va boshqa ijtimoiy tarmoqlarda universitet haqida rasmiy ma'lumotlar berib boriladigan manbalar.

Press-reliz — OAV uchun tayyorlangan xabar. Unda tadbir nomi, o'tkazilish vaqti va joyi, maqsadi, tashkilotchilar va ishtirokchilar haqidagi ma'lumotlar, voqelikka nisbatan munosabatlar aks etishi kerak.

III. Nizomning maqsad va vazifalari

3.1. Nizom universitetda axborot siyosatini takomillashtirish, ochiqlikni ta'minlash, mahalliy rivojlanish va xalqaro standartlar asosida universitetning akademik, tashkiliy-boshqaruv va moliyaviy mustaqilligini ta'minlash borasida qilinayotgan ishlar, "Universitet 4.0" (ta'lim – ilm-fan – tijoratlashtirish – ijtimoiy loyihalar tashabbuskori) konsepsiyasiga bosqichma-bosqich o'tish jarayonlari, TDYUni yuridik amaliyot va ilm-fan markaziga aylantirish, har bir talaba va xodimning akademik, ilmiy va kasbiy muvaffaqiyatini rag'batlantirish orqali yuridik ta'lim va ilm-fanning shaffofligi va jozibadorligini oshirish yo'nalishda amalga oshirilayotgan chora-tadbirlarni keng jamoatchilik va OAV vakillariga yetkazish, shuningdek, milliy huquqiy qadriyatlarni dunyo ilmiy hamjamiyatiga tanitishni maqsad qilgan.

IV. Universitet faoliyatiga doir axborotlarni yig'ish va e'lon qilish tartibi

4.1. Universitet faoliyatiga doir barcha ma'lumotlar avvalo TDYU rasmiy veb-sayti va ijtimoiy tarmoqlardagi rasmiy sahifalari orqali e'lon qilinadi. Rasmiy veb-sayt va ijtimoiy tarmoqlardagi rasmiy sahifalar fuqarolarga universitet haqida ochiq, shaffof va tezkor ma'lumot beruvchi asosiy manbalardir.

4.2. Tarkibiy bo'linmalar Universitetda o'tkazilishi rejalashtirilgan tadbir va loyihalar to'g'risidagi ma'lumotlarni mazkur tadbir va loyihalar boshlangunga qadar kamida **o'n kun** avval Jamoatchilik va OAV bilan aloqalar bo'limiga taqdim etadi.

Ma'lumotlar tadbir nomi, o'tkazilish vaqti va joyi, maqsadi, tashkilotchilar va ishtirokchilar, qo'shimcha ravishda dastur va ma'ruzalardan iborat bo'ladi. Zarur holatlarda masofaviy ishtirok etish hamda ro'yxatdan o'tish uchun onlayn so'rovnomalarga linklar va boshqa ma'lumotlar ham taqdim etiladi.

4.3. Universitetda o'tkazilishi rejalashtirilgan tadbir va loyihalar to'g'risidagi ma'lumotlar mazkur tadbir va loyihalar boshlangunga qadar kamida **yetti kun** oldin universitetning rasmiy veb-sayti hamda ijtimoiy tarmoqlardagi rasmiy sahifalarida e'lon qilinadi.

4.4. Axborot xususiyatidan kelib chiqqan holda, o'tkazilgan tadbirlar (konferensiya, uchrashuv, davra suhbatlari) to'g'risidagi ma'lumotlar kamida shu kunning o'zida (qoida tariqasida o'tkazilgandan so'ng 3-4 soat ichida) universitet rasmiy veb-sayti va ijtimoiy tarmoqlardagi rasmiy sahifalar orqali e'lon qilinishi shart.

4.5. Universitetning tarkibiy bo'linmalari rahbarlari universitet rasmiy veb-sayti va ijtimoiy tarmoqlardagi rasmiy sahifalar orqali e'lon qilish maqsadida taqdim etiladigan ma'lumotlarning sifatliiligi, ishonchliligi, haqqoniyligi uchun shaxsan javobgardir.

V. Yakunlovchi qoidalar

5.1. Nizomda belgilangan maqsad va vazifalarning o'z vaqtida bajarilishi uchun barcha tarkibiy bo'linmalar mas'ul bo'lib, Jamoatchilik va OAV bilan aloqalar bo'limi mazkur yo'nalishda amalga oshirish lozim bo'lgan chora-tadbirlarni markazlashtirish hamda ularning ijrosini nazorat qiluvchi asosiy bo'linma hisoblanadi. Nizom talablarini bajarmagan hamda ma'lumotlarni o'z vaqtida taqdim etmagan rahbar va xodimlarga belgilangan tartibda choralar ko'riladi.